

لتعديل (ترقيع)

لو نزلت تقول (نعم) للتعديلات الدستورية الجديدة، متفكرش إن البلد هتستقر، بالعكس البلد هتروح في داهية لإن التعديلات دي أسوأ من الدستور نفسه، ده غير إنها بتدي للرئيس الجديد نفس صلاحيات مبارك، يعني شلنا مبارك القديم عشان نجيب مبارك جديد

و الإقتصاد مش هيتعدل لو قبلت التعديلات، بالعكس، التعديلات هتخلي الفساد زي ما هو و هنروح كلنا ف داهية إحنا نستاهل أحسن من تعديل كام مادة، انت منزلتش عملت ثورة و اتضربت و صاحبك أو قريبك مات عشان يرمولنا شوية عضم و المفروض إننا نرضي بيه.. متتنازلش عن حقك كامل، إحنا عدينا شوية كمان و البلد تتغير و تبقى أحسن ليك و لولادك و لأهلك، و كل ده محتاج دستور جديد عشان يبقى رقيب على أي رئيس أو عضو مجلس شعب و نقدر بيه نحاكم أي واحد فاسد.

التعليق على التعديلات:

(لاحظ إنك يا تاخذ كل التعديلات يا ترفضها كلها، مش هيسألوك عن رأيك في كل مادة لوحدها)

() بتخلي القضاء هو بس اللي يشرف على الانتخابات، من غير إعلام و لا رقابة دولية و لا مدنية و لا محلية و لا أي حاجة، و طبعا النتيجة أكيد هيكون مشكوك فيها بالطريقة دي، و عشان يقيدونا، منعوا اي طعن أو اعتراض على نتيجة الانتخابات اللي ممكن تكون مطبوخة أو فيها مشاكل، و كده كأننا مغيرناش أي حاجة في البلد.

() بتاعت أعضاء مجلس الشعب، التعديلات كانت بتدي حق مناقشة صحة عضوية مجلس الشعب للمحكمة الدستورية اللي هي محكمة واحده في مصر كلها و فيها قاضي، و بعد كده رجعوا في كلامهم و قا ندي الحق ده لمحكمة النقض، و كل شوية يغيروا في المادة دي و يتخانقوا عليها... بيلعبوا معنا و لا إيه؟

() بتاعت الطوارئ، بتخلي الرئيس الجديد يحطنا تحت قانون الطوارئ لمدة شهور، و لما يخلصوا بيدنا أجازة يوم و لا اتنين من الطوارئ، و يفرض حالة الطوارئ ست شهور كمان، و كده يبقى عرف يخلع من البند بتاع الإستفتاء الشعبي، لإن الإستفتاء بيكون في حالة إنه يمد الست شهور و يخليهم سنة، لكن كده هو بيبتيدي كل مرة الست شهور من الأول من غير ما يلضم فيهم ست شهور كمان (بيصقر العداد)، ، بيتهياي محمش فينا هيرضي يعيش تاني في مهانة و دُل عشنا فيه إنت رأيك إيه؟؟

() بتاعت الدستور الجديد، بتخلي أعضاء مجلس الشعب هم اللي ينتخبوا اللجنة اللي هتخط الدستور الجديد، مش إنت. و كمان مفيش ضمان إن اللجنة تكون بتعبر عنك و تقول طلباتك، و ممكن يحطولنا أي دستور يودينا ف داهية، و منعرفش اللجنة دي هتكون من أعضاء مجلس الشعب و لا ناس معاها محو أمية و لا إيه بالضبط و نرجع تاني لشغل ترزية القوانين اللي ضيعلنا البلد .

إضحك مع تعديلات الدستور:

() بتقول الرئيس يحكم فترتين، كل فترة أربع سنين، و ف نفس الوقت المادة () بتقول إنه هيحكم ست سنين، يعني ممكن تلاقي البلد ليها رئيسين مش رئيس واحد... تهريج صح؟

() بتقول إن دورة مجلس الشعب مدتها سنين، ف حين إن المادة () بتقول إن الرئيس بيمسك سنين... و ده أي كلام في أي كلام

حقوقك و كرامتك...قول لا للتعديلات